

vel causa latis, & quibus quomodolibet innodata existunt, ad effectum presentium dumtaxat consequendum harum serie absolventes, & absolutas fore censentes, de Venerabilium Fratrum nostrorum Sanctae Romanae Ecclesiae Cardinalium adversus haereticam pravitatem Inquisitorum Generalium consilio, apostolica auctoritate, tenore presentium decernimus, & declaramus, Bona Monachorum dicti Ordinis Congregationis Hispanicae, seu Anglicanae, in Anglicana Missionem laborantium post mortem eorumdem Monachorum esse, & haberi Monasterium Cismarinorum Congregationis Angliae hujusmodi ejusdem Ordinis, in quibus iidem Monachi, aut professionem emisserunt, vel quibus se aggregarunt.

Eadem lege comprehenduntur bona Monachorum extra claustra monasterium.

Claustra.

§.2. Et quod nemini liceat sub praetextu, quod praedicti Monachi moriantur extra claustra, vel sub quovis alio titulo, & quasit colore, eadem bona retinere, aut restitutionem eorumdem dictis Monasteriis denegare sub poenis, & censuris ecclesiasticis.

§.3. Sicque per quoscumque Judices ordinarios, & delegatos, etiam causarum Palatii Apostolici Auditores judicari, & desiniri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

Derogatio contrarium.

§.4. Non obstantibus quibuscumque Decretis, Constitutionibus, & Ordinationibus Apostolicis, & praesertim fel. recor. Gregorii Papae XIII. Praedecessoris nostri super spoliis Monachorum extra Claustra morientium edita, necnon quibusvis dictarum Congregationum, etiam juramento, confirmatione apostolica, vel quavis firmitate alia roboratis Statutis, & consuetudinibus, privilegiis quoque, indultis, & Literis Apostolicis sub quibuscumque tenoribus, & formis, ac cum quibusvis clausulis & decretis, in contrarium praemissorum, quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Transumptis anda fides.

§.5. Volumus autem, quod presentium transumptis, etiam impressis, manu alicujus Notarii publici subscriptis, & sigillo personae in ecclesiastica dignitate constitutae munitis, eadem prorsus fides ubique locorum habeatur, quae ipsis presentibus haberetur, si forent exhibita, vel ostensa.

Dat. die 17. Septem. 1632. An.X.

Datum Romae apud S. Mariam Majorum sub Annulo Piscatoris die 17. Septembris 1632. Pontificatus nostri Anno X.

Commissio Archiepiscopo Arelaten., ac Bolonien., & S. Flori, ac Maclovien. Episcopis, ut conjunctim procedant contra quascumque personas ecclesiasticas contra personam, & Statum Regis Christianissimi quidquam molientes.

Ex Regest. in Secret. Breve

Ven. Fratribus Archiepiscopo Arelaten., & Bolonien., ac S. Flori, necnon Maclovien. Episcopis.

URBANUS PAPA VIII.

Ven. Fratres salutem, & apostolicam benedictionem.

§.1. **E**Xposuit Nobis charissimus in Christo filius noster Ludovicus Francorum, & Navarrae Rex Christianissimus, quodque diversae personae ecclesiae, etiam in Abbatiali, & Episcopali, & alia dignitate constitutae diversimode contra ipsius Ludovici Regis personam, & Statum machinati fuerint, & machinatorum auxilium, consilium, favorem tam verbo, quam re ipsa dederint, crimina gravissima, & enormissima incurrere. Quare intendens dictus Ludovicus contra machinatores, auxiliatores, consultores, & fautores, & alias in praemissis quomodolibet delinquentes ad condignas poenas procedi facere, Nobis humiliter supplicavit, ut in praemissis opportune providere de benignitate apostolica dignaremur.

Regis Galliarum preces.

§.2. Nos igitur eundem Ludovicum Regem a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes, hujusmodi supplicationibus inclinati, Fraternitati vestrae Ven. Frat. Archiepiscopi, & Episcopi per praesentes committimus, & mandamus, quatenus vos conjunctim procedentes, vocatis ad id, qui fuerint evocandi, de praemissis diligenter inquiratis, & contra omnes, ac singulas personas ecclesiasticas, etiam si Abbatiales, Episcopales, seu Archiepiscopales praesuleant dignitate, via juris procedatis, & culpabiles repertos, per sententiam definitivam, seu sententias definitivas, quatenus privationi sit locus, omnibus, & singulis ecclesiasticis beneficiis, & dignitatibus tam secularibus, quam regularibus quovis modo nuncupatis, etiam si Monasteria, Prioratus, Conventuales Ecclesiae, Cathedralis, & Metropolitanae, aut etiam majores fuerint, auctoritate nostra, prout juris fuerit, privetis, & privatos declaretis, ac alias juxta juris ordinem, tam contra eorum omnium, & singulorum bona, quam contra personas animadvertatis. Nos enim vobis etiam per edictum publicum citandi, & inhibendi, aliaque circa praemissa necessaria, & opportuna faciendi, exercendi, & exequendi, plenam, & liberam, apostolicam auctoritate, tenore presentium concedimus facultatem.

Commissio, de qua in Rubr.

Derogatio contrarium.

§.3. Non obstantibus praemissis, necnon Apostolicis, ac in universalibus, & generalibus, necnon provincialibus Conciliis editis generalibus, vel specialibus Constitutionibus, & Ordinationibus, ac Ecclesiarum, Monasteriorum, Prioratum, Conventualium, & Ordinum, ac Hospitalium, etiam Sancti Joannis Hierosolymitani, & aliorum Piorum Locorum quorumcumque, etiam juramento, confirmatione apostolica, vel quavis firmitate alia roboratis Statutis, & consuetudinibus, privilegiis quoque, indultis, & Literis Apostolicis Ecclesiis, Monasteriis, Hospitalibus, & aliis Locis Pii quibuscumque, eorumque Praesulibus, Abbatibus, Prioribus, & aliis Superioribus, & personis, etiam Magno Magistro, Conventui, & Fratribus Militibus dicti Hospitalis Sancti Joannis, in contrarium quomodolibet per Sedem Apostolicam, aut alias quomodolibet concessis, ac etiam iteratis vicibus approbatis, & innovatis. Quibus omnibus, & singulis, etiam si de illis, eorumque totis tenoribus specifica, expressa, & individua, non autem per clausulas generales idem importantes mentio, seu quavis alia expressio, aut aliqua alia exquisita forma ad hoc servanda foret, illis alias in suo robore permanentibus, hac vice dumtaxat, harum serie specialiter, & expresse derogamus, ceterisque contrariis quibuscumque.

Archiepiscopus facultas concedit uno impedito Episcopo alium substituendi.

Dat. die 8. Octobr. 1632. An.X.

§.4. Volumus autem, & apostolica auctoritate decernimus, quod Tu Frater Archiepiscopo in eventum absentiae unius, seu plurium ex praedictis Venerabilibus Fratribus nostris Episcopis, quibus praesentes directae reperimur, aut illis legitime impeditis, seu procedere renuentibus, seu differentibus, alium, vel alios Episcopum, seu Episcopos illarum partium, absentium, vel impeditorum, aut procedere recusantium, seu differentium loco eligere possis, cum quibus conjunctim, ut praesertur, circa praemissa omnia, & singula, etiam usque ad definitivas sententias inclusive procedere possis.

Datum in Arce Gandulphi Albanen. Diocesis sub Annulo Piscatoris, die octava Octobris 1632. Pontificatus nostri Anno Decimo.

Erectio Officii Advocati Pauperum in Urbem cum concessione facultatum.

Ex Regest. in Secret. Breve

URBANUS PAPA VIII.

Ad futuram rei memoriam.

EX commissi Nobis per abundantiam divinae gratiae pastoralis officii munere ad ea, per quae pauperum, & egenarum personarum causa agantur, & defendantur, paterne, qua tenemur charitate, libenter intendimus, ac desuper officii nostri partes favorabiliter interponimus, prout conspiciamus in Domino salubriter expedire.

Exordium.

§.1. Alias siquidem, sicut accepimus, de anno 1538. tunc existentes Camerae Almae Urbis nostrae Conservatores Officium Dohanerii Dohanae pecudum Agapito de Magistro tunc in humanis agentis ad ejusdem modo vacans quondam Agapito de Magistro tunc in humanis agentis ad ejus vitam dumtaxat concesserunt; & subinde etiam de anno 1562. tunc similiter existentes dictae Camerae Conservatores Officium praedictum eidem Agapito in perpetuum pro se, ac omnibus, & singulis haereditibus suis etiam extraneis similiter concesserunt; idemque Agapitus secundo dictam concessionem hujusmodi per fel. rec. Pium Papam Quartum Praedecessorem nostrum confirmari obtinuit, prout in ipsius Pii Praedecessoris, ac patentibus dictorum Conservatorum Literis desuper expeditis, plenius continetur.

Alias Conservatores Officium Dohanerii Dohanae pecudum instituerunt.

§.2. Cum autem Nos pauperum personarum dictae Urbis statui compatientes, eisdem de aliquo Advocato, per quem earum causa agi, & defendi valeant, providere intendamus; Idcirco mota proprio, & ex certa scientia, ac matura deliberatione nostris Officium praedictum, quod, ut etiam accepimus, dilectus filius Octavius Pierleonus Romanus quondam Heriliae de Magistro natus ad praesens in vira praedictae concessionis perpetuae, & facultatem illud alienandi obtinet, omnemque illius statum, essentiam, & dependentiam, apostolica auctoritate, tenore presentium de expresso ipsius Octavii consensu perpetuo supprimimus, & extinguimus.

Illud supplicium Urbanus.

§.3. Praeterea unum Officium Advocati Pauperum nuncupan. ejusdem Urbis, quod pro tempore obtinens Civis Nobilis Romanus esse, & a dilecto filio nobili viro Thadeo Barberino Principe Praenestino nostro secundum carnem ex fratre germano nepote moderno, & pro tempore existente Urbis Praefecto nominari, ac pauperum, & miserabilium personarum ad se recurrentium causas agere, tueri, & defendere debeat, ac in habitu seculari, seu clericali, prout ei libuerit, incedere possit, ac alias cum omnibus, & singulis facultatibus, auctoritatibus, privilegiis, prerogativis, honoribusque, & oneribus similibus Advocatis quomodolibet competens, ac alias solitis, & consuetis, eisdem auctoritate, & tenore erigimus, & instituiamus.

Et officium Advocati Pauperum instituit.

Illique

Eiusque suppressi Officii reditus applicat

Illudque; O Navio Pier Leonis consistit.

Clausulas necessarias, ac praeservativas addit.

§.4. Illique sic erecto, & instituto pro eius dote, illudque pro tempore obtinentis congrua sustentatione omnia, & singula dicti Officii sic per Nos suppressi fructus, redditus, proventus, jura, obventiones, & emolumenta quaecumque in quibusvis rebus consisten., & undecumque provenien. perpetuo concedimus, & assignamus, ac applicamus, & appropriamus.

§.5. Insuper Officium huiusmodi sic per praesentes erectum, tamquam a primava illius erectione vacans, cum omnibus, & singulis fructibus, redditibus, proventibus, juribus, obventionibus, & emolumentis quibuscumque per Nos, ut supra concessis, & assignatis, eidem Octavio, de cuius fide, prudentia, doctrina, pietate, & integritate plurimum in Domino confidimus, eidem auctoritate, & tenore, quoad vixerit, concedimus, & assignamus.

§.6. Mandantes propterea omnibus, & singulis, ad quos spectat, & pro tempore spectabit, ut praedicto Octavio, eiusdemque in Officio Advocati Pauperum huiusmodi successoribus de omnibus, & singulis fructibus, redditibus, proventibus, juribus, obventionibus, & emolumentis praedictis suis congruis temporibus respondeant, ac respondeant. curent, & faciant: Ac decernentes praesentes Literas, & in eis contenta quaecumque, etiam ex eo, quod in praemissis interesse habentes, vel habere praetendentes ad id vocati, & auditi non fuerint, nec praemissis consenserint, aut alias quovis praetextu de subreptionis, vel obreptionis, seu nullitatis vitio, aut intentionis nostrae, vel alio quopiam defectu notari, impugnari, invalidari, in jus, vel controversiam vocari, aut ad viam, & terminos juris reduci, seu adversus illa quodcumque juris, gratiae, vel facti remedium impetrari nullatenus posse, sed semper valida, firma, & efficacia existere, & fore, suosque plenarios, & integros effectus fortiri, & obtinere, ac iis, quos concernunt, & concernent quomodolibet in futurum, in omnibus, & per omnia plenissime suffragari: Sicque per quoscumque Iudices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales, etiam de latere Legatos, & quosvis alios, quavis auctoritate fungentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

Obstantia sollicit.

§.7. Non obstantibus sel. rec. Pii Papae Quarti Praedecessoris nostri de gratiis quaecumque interesse Camerae Apostolicae concernen. in eadem Camera infra certum tunc expressum tempus praesentandis, & registrandis, & quibusvis aliis Constitutionibus, & Ordinationibus Apostolicis, necnon Regula nostra de iure quaesito non tollendo, ac dictae Urbis, & quibusvis aliis, etiam iuramento, confirmatione apostolica, vel quavis firmitate alia roboratis Statutis, &

consuetudinibus, privilegiis quoque, indulgentis, & Literis Apostolicis Urbi, & Conservatoribus praedictis, & quibusvis aliis sub quibuscumque tenoribus, & formis, ac quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & decretis in genere, vel in specie, aut aliis in contrarium praemissorum quomodolibet concessis, confirmatis, & innovatis. Quibus omnibus, etiam si pro illorum sufficienti derogatione de illis specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores praesentibus pro plene, & sufficienter expressis, ac de verbo ad verbum insertis habentes, illis aliis in suo robore permansuris, ad praemissorum effectum, hac vice dumtaxat specialiter, & expresse derogamus, caterisque contrariis quibuscumque.

Datum in Arce Gandulphi sub Annulo Piscatoris die 15. Octobris 1632. Pontificatus nostri Anno Decimo.

Dat. die 15. Octobris 1632. An.X.

CD XVI.

Prohibitio ne Fratres Carmelite Calceati de Observantia in Belgio, & Sicilia Provinciae gestent habitum per Fratres eiusdem Congregationis Discalceatorum gestari solitum, nec se Fratres Carmelitas Reformatos Sanctae Theresiae vocitent, aut subscribant.

Carmelitarum Regulam a S. Alberto Hierosolymitano Ecclesiae Patriarcha traditam approbavit Honor. III. ut in eius Constitut. LXXVIII. Ut vivendi. To. III. fol. 242. Discalceatorum vero tam virorum, quam Monialium Congregationem approbavit Gregor. XIII. Constitut. CXXI. Via consideratione. Tom. IV. Par. III. fol. 448. Canonizationem autem Sanctae Theresiae habes in Gregorii XV. Constit. LII. Omnipotens. Tom. V. Par. V. fol. 17. Vide etiam in Constitut. Inter ceteras huius Pontificis, ut infra.

URBANUS PAPA VIII.

Ad futuram rei memoriam.

Romanus Pontifex in Sede Principis Apostolorum a Domino constitutus, ex incumbenti sibi munere ad ea potissimum mentis suae aciem assidue intendit, per qua Christiani fideles divinis obsequiis sub laevi religionis iugo, & strictioris observantiae regulis mancipati prospere dirigi valeant: & si aliqua unquam subrepunt corruptela, pastoralis vigilantia eliminentur, ut regulares ipsae personae in pacis amoenitate vota sua Domino reddant, & felicioribus in dies proficiant incrementis.

Exordium.

§.1. Cum itaque, sicut dilectus filius Pro-

Carmelite Calceati in Belgio, & Sicilia habitum mutarunt, & se Carmelitas Reformatos S. Theresiae vocari faciunt

Pont. id pro- huius sub poe- nis hic expre- ssis.

Gestantibus tale habitum, terminum assignat ad illum deponenda.

Executores deputat.

Procurator generalis Fratrum Ordinis Beatae Mariae de Monte Carmelo Discalceatorum nuncupatorum Congregationis Sancti Eliae Nobis nuper exponi fecit, nonnulli religiosi Carmelite Calceati de Observantia nuncupati, in Belgio existentes habitum per Fratres eiusdem Congregationis Discalceatorum gestari solitum, & per eos susceptum, vel eidem similem, cum gravi Fratrum Discalceatorum Congregationis huiusmodi damno, a primava sui forma mutaverint, & variaverint, malumque huiusmodi in aliis etiam, & praesertim Siciliae Provinciae serpere coeperit: quin etiam fratres Carmelite Calceati huiusmodi se Carmelitas reformatos Sanctae Theresiae vocitent, & subscribant, in grave ipsorum Fratrum Discalceatorum detrimentum, & scandalum plurimorum.

§.2. Nos pro muneris nostri debito huic malo de opportuno remedio, per quod Fratrum Discalceatorum praefatorum temeritas compefcatur, quantum cum Domino possumus providere, ac Fratrum Discalceatorum Congregationis huiusmodi, quam in visceribus gerimus charitatis, prospero, felicitate statui, & directioni consulere volentes, de Ven. fratrum nostrorum S. R. E. Cardinalium negotiis Regularium praepositorum consilio, motu proprio, & ex certa scientia, ac matura deliberatione nostris, deque apostolicae potestatis plenitudine, omnibus, & singulis Fratribus Carmelitis Calceatis de Observantia nuncupatis praedictis, sub excommunicationis majoris latae sententiae, ac privationis vocis activae, & passivae, & quoad illorum Superiores, etiam suspensionis ab officio, per eos obtentis, ipso facto incurrendis poenis districte praecipiendo mandamus, ut habitum regularem uniformem, & per eos antea susceptum, iuxta Congregationis eorundem Carmelitarum Discalceatorum de observantia huiusmodi communi statuta deserant, nec illum ullo umquam tempore mutare, vel variare audeant, vel praesumant, absque speciali huius Sanctae Sedis licentia.

§.3. Iis vero, qui eundem habitum, ut supra mutarunt, vel quoquo modo variarunt, sub eisdem censuris, & poenis, ut praefertur, incurrent, similiter mandamus, ut intra duorum mensium spatium post publicationem praesentium, eundem habitum, prout antea deferebant, & quem communis usus, iuxta universalia statuta Congregationis Fratrum Carmelitarum Calceatorum de observantia huiusmodi, reassumere omnino debeant, & teneantur, neque se Carmelitas reformatos Sanctae Theresiae, vel Beatae Theresiae nomen, vel subscribant.

§.4. Quocirca Ven. Fratribus Archiepiscopis, & Episcopis, caeterisque locorum Ordinariis in praedictis, & aliis Provinciis, & locis, ubi opus fuerit, constitutis per praesentes committimus, & mandamus, quatenus ipsi per se, vel alium, seu alios praesentes literas, & in eis contenta quaecumque, ubi & quando opus fuerit, & quoties desuper fuerint requisiti, solemniter Bull. Rom. Tom. VI. Par. I.

publicantes, ac in praemissis efficacis defensionis praesidio assistentes, Fratres Calceatos de Observantia huiusmodi ad praesentes literas, omniaque & singula in illis, ut supra, contenta, & ordinata plene observanda, & adimplenda sub poenis praedictis cogant, & compellant invocato etiam ad hoc, si opus fuerit, auxilio brachii secularis.

§.5. Decernentes, easdem praesentes literas etiam ex eo, quod interesse in praemissis habentes ad id vocati, citati, & auditi non fuerint, vel aliis quovis praetextu, vel causa de subreptionis, vel obreptionis, seu nullitatis vitio, aut intentionis nostrae, vel alio quopiam defectu notari, impugnari, retractari, aut in jus, vel controversiam vocari nullatenus umquam posse: sed illas semper validas, firmas, & efficaces existere, & fore, atque ab omnibus, ad quos spectat, inviolabiliter observari.

§.6. Sicque & non aliter per quoscumque Iudices ordinarios, & Commissarios quavis auctoritate fungentes, etiam causarum Palatii Apostolici auditores, ac S. R. E. Cardinales, etiam de Latere Legatos, ac Sedis Apostolicae Nuntios, in quavis causa, & instantia sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiti debere: ac irritum, & inane si secus super his a quoquam quavis auctoritate scienter, vel ignoranter contigerit attentari.

§.7. Non obstantibus constitutionibus, & ordinationibus apostolicis, ac quatenus opus sit, ordinis praedicti, etiam iuramento, confirmatione apostolica, vel quavis firmitate alia roboratis, statutis, & consuetudinibus, privilegiis quoque, indulgentis & literis apostolicis Fratribus Carmelitis Calceatis praefatis, illorumque Superioribus, & personis, ac quibusvis aliis, sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, ac irritum, & aliis decretis in genere, vel in specie, etiam motu, & scientia similibus, ac aliis in contrarium praemissorum quomodolibet concessis, confirmatis, & innovatis. Quibus omnibus, & singulis, eorum tenores praesentibus pro plene, & sufficienter expressis, & ad verbum insertis habentes, illis aliis in suo robore permansuris, hac vice dumtaxat specialiter, & expresse derogamus, caterisque contrariis quibuscumque.

§.8. Volumus autem, quod praesentibus literis, ac omnibus in eis contentis nullatenus derogetur, aut derogatum sit, vel esse censetur, nisi de eis specialis & specifica, non autem per clausulas generales idem importantes mentio fiat, quodque praesentium transumptis, etiam impressis, manu alicujus Notarii publici subscriptis, aut sigillo alicujus personae in dignitate ecclesiastica constitutae munitis, eadem prorsus fides adhibeatur, quae eisdem praesentibus adhiberetur, si forent exhibitae vel ostensa.

T t

Dat.

Clausulas praeservativas ponit.

Clausula sublata addit.

Contraria addit.

Exemplis etc. di impetrat.

Dat. Romæ apud S. Petrum sub annulo Piscatoris, die 11. Decembris 1632. Pontificatus nostri anno X.

C DXVII.

Ex regest. in Secret. Breu.

Disinembratio ab Ecclesia Sarfinaten Fodinarum Sulphurii, & Juris Sulphurum hujusmodi in nonnullis locis effodiendi, ac Applicatio Sedi Camera Apostolicæ.

URBANUS PAPA VIII.

Ad perpetuam rei memoriam.

Causæ facti de Disinembratio.

§.1. Cum, sicut accepimus, Ecclesia Sarfinaten. per obitum illius ultimi Episcopi extra Romanam curiam defuncti Pastoris solatio destituta sit, & Episcopi Sarfinaten., qui pro tempore fuerunt, inter alia bona ad mensam episcopalem Ecclesiæ Sarfinaten spectantia, diversas fodinas, seu foveas sulphuris, ac jus sulphur in nonnullis Diocesis Sarfinaten. locis effodiendi hætenus possederint, & mensa episcopalis prædicta possideat ad præsens, fodinis, vero, seu foveis, ac jure sulphur hujusmodi effodiendi Camera nostra Apostolica, pro suis necessitatibus maxime indigeat eisdem foveis, seu fodinis sulphureis, ac jure sulphur hujusmodi effodiendi a dicta mensa episcopali disinembratis, & separatis Episcopus Sarfinaten ex eisdem mensa episcopalis fructibus, redditibus, & proventibus, juribus, obventionibus, & emolumentis, tantum percipiat, quantum ad congruam ejus sustentationem, & pontificalis dignitatis exigentiam juxta Concilii Tridentini decreta sufficiat.

Disinembratio, de qua in Rubrica.

§.2. Nos præmissis, & aliis justis de causis animum nostrum moventibus, motu proprio, & ex certa scientia, ac matura deliberatione nostris, deque apostolicæ potestatis plenitudine, foveas sive fodinas sulphuris, ac jus sulphur hujusmodi effodiendi ad mensam episcopalem prædictam, ut perfertur spectantem præsentium perpetuo separamus, & disinembramus, illaque sic separata, & disinembrata, Sedi, & Camera Apostolicæ, ita quod liceat ejus Thesaurario, seu Commissario generali, vel alio, seu aliis ad id a nobis mandatum habentibus, corporalem, realem, & actualem possessionem fodinarum, seu fovearum, earumque jurium, & pertinentiarum hujusmodi prædicti Episcopi Sarfinaten, seu alterius cujusvis licentia desuper minime requisita propria auctoritate, apprehendere, & retinere, & absque eo quod propterea mensa episcopalis prædicta, seu futuri Ecclesiæ Sarfinaten. Præsules, vel Administratores quicquam a Sede, & Camera prædictis pro recompensa, seu alia quavis solutione pretendere possint, aut debeant eandem tenore præsentium perpetuo applicamus, & appropiamus.

Claufulæ.

§.3. Decernentes separationem, & disinembratorem, applicationem, & ap-

propriationem prædictas etiam ex eo, quod causæ, propter quas factæ sunt, adductæ, seu verificatæ, vel aliàs justificatæ non fuerint, aut quod dicta Ecclesia Sarfinaten. ad præsens pastoris solatio destituta sit, ut præfertur, & Episcopus Sarfinaten., seu quicumque alii jus, & interesse in præmissis, vel eorum aliquo habentes, seu prætendentes illis non consenserint & ad ea vocati, neque solemnitates, & alia servanda & adimplenda, servata, & adimpleta fuerint, seu etiam enormis, & enormissimæ læsionis, ac ex quovis alio capite a jure vel facto, seu statuto, aut consuetudine, vel alias quomodolibet resultant., seu prætextu, causa, & occasione etiam quantumvis iusta rationabili, & præilegiata, etiam tali quæ ad effectum validitatis præmissorum exprimen. foret de subreptionis, seu obreptionis, vel nullitatis vitio, aut intentionis nostræ, vel interesse habentium consensus, seu alio quocumque defectu notari, impugnari, invalidari, retractari, rescindi, infringi, in jus vel controversiam vocari, aut adversus illa etiam restitutionis in integrum, seu quodvis aliud juris, gratiæ, vel facti remedium impetrari, aut etiam motu proprio concedi, aut sic impetrato, vel concessio quemquam uti, sed adversus quacumque impugnationes, & impedimenta validas, & efficaces esse, & fore, ac suos plenarios, & integros effectus sortiri in omnibus, & per omnia perinde ac si vocatis, vocandi, & servatis servand., emanasset, ac per futuros Ecclesiæ Sarfinaten. Præsules, seu Administratores pro tempore existentes, ceterosque omnes, & singulos jus, & interesse habentes, seu habere prætendentes inviolabiliter, & inconcusse observari, & adimpleri debere, neque ipsos jus, vel actionem, aut beneficium restitutionis in integrum, Judicis officium, seu quacumque alia juris remedia, ordinaria, & extraordinaria, tam in petitorio, quam in possessorio etiam summarissimo prætendere posse, sicque per quoscumque Judices ordinarios, & delegatos etiam causarum Palatii Apostolici Auditores, Camera Apostolicæ Clericos, ac S. R. E. Cardinales Camerarios, etiam de latere Legato & Nuncios sublata eis, & eorum cuilibet quavis aliter judicandi, & interpretandi facultate, & auctoritate judicari, ac definiti debere, ac irritum quoque, & inane si secus super his a quoquam quavis auctoritate scienter, vel ignoranter contigerit attentari.

§.4. Non obstantibus præmissis, ac regula nostra de Jurequesto non tollendo, nec non quibusvis aliis constitutionibus, & ordinationibus apostolicis d. Ecclesiæ Sarfinaten. etiam juramento, confirmatione apostolica, vel quavis firmitate alia roboratis statutis, & consuetudinibus, necnon legibus etiam municipalibus, privilegiis quoque, indultis, & literis apostolicis, sub quibuscumque tenoribus, & formis, ac cum quibusvis etiam derogatoriis derogatoriis aliisque efficacioribus, & insolitis, clausulis aliisque decretis, tam in genere, quam in specie,

Derogatio Contrariis.

specie, ac aliàs in contrarium præmissorum quomodolibet concessis, confirmatis, approbatis, & innovatis. Quibus omnibus, & singulis, etiam si pro illorum sufficienti derogatione aliàs de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret illorum omnium, & singulorum tenores, ac si de verbo ad verbum nihil penitus omisso, & forma in illis tradita observata exprimerentur, & infererentur præsentibus pro plene & sufficienter expressis, ac ad verbum insertis, & specificatis habentes, illis aliàs in suo robore permanentis hac vice dumtaxat specialiter, & expresse, ac latissime, & plenissime derogamus, & derogatum esse volumus, & declaramus ceterisque contrariis quibuscumque.

Dat. 5. Decembris 1632. An. X.

Datum Romæ apud Sanctum Petrum sub Annulo Piscatoris Die quinta Decembris 1632. Pontificatus Nostri Anno X.

C DXVIII.

Erectio reformationis Provinciæ Austriæ Fratrum Minorum Sancti Francisci de Observantia.

URBANUS PAPA VIII.

Ad perpetuam rei memoriam.

Promissum.

IN Apostolicæ dignitatis specula, meritis licet imparibus, a Domino constituti, circa statum Religiosorum quorumcumque, præsertim sub strictioris observantiæ Regulis altissimo famulantium prospere dirigendum mentis nostræ aciem assidue intendimus, atque his, quæ pro felici statu, & directione facta fuisse dicuntur, ut firma perpetuo subsistant, & inviolabiliter observentur, apostolicæ firmitatis robur adiciamus, prout pia Catholicorum Principum vota exposcunt, Nosque conspiciamus in Domino salubriter expedire.

Causa hujus Conflic.

§.1. Cum itaque, sicut charissimus in Christo filius noster Ferdinandus Romanorum Rex in Imperatorem electus Nobis nuper exponi fecit, aliàs in Domibus Regularibus dilectorum filiorum Fratrum ordinis Minorum sancti Francisci de observantia Reformatorum nuncupatorum Provinciæ Austriæ, opera dilecti filii Antonii a Galbiato, tunc dicti Ordinis in illis partibus Commissarii Generalis, Reformatio introducta fuerit, dictique fratres uberes in vinea Domini fructus afferant, & propterea quo uberiores sub hujusmodi reformatione in pacis amoenitate fructus Domino reddere valeant, per Nos desuper, ut infra opportune provideri summo opere desideret.

Confirmatio Reformationis.

§.2. Nos piis dicti Ferdinandi Regis in Imperatorem electi votis hujusmodi, quantum cum Domino possumus, annuere volumus. Bull. Rom. Tom. VI. Par. I.

lentes, supplicationibus, ejus nomine Nobis super hoc humiliter potestis, inclinati, reformationem in domibus regularibus dictæ Provinciæ Ordinis hujusmodi, ut præfertur, introductam, cum iisdem privilegiis, gratiis, & indultis, modo, & forma, quibus similem reformationis introductionem in Provinciis Baviaræ, & Tirolii, aliàs apostolica auctoritate confirmavimus, illique inviolabilis apostolicæ firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus.

Decretum irritans.

§.3. Decernentes præmissa, ac præsentem literas, valida, firma, & efficacia existere, & fore, suosque plenarios, & integros effectus sortiri, & obtinere, atque ab omnibus, ad quos spectat; & in futurum spectabit, inviolabiliter observari; & ita per quoscumque Judices, & Commissarios quavis auctoritate fungentes judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§.4. Non obstantibus Constitutionibus, & ordinationibus apostolicis, & quatenus opus sit, dicti Ordinis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & literis apostolicis in contrarium præmissorum, quomodolibet concessis, confirmatis, & innovatis. Quibus omnibus, & singulis, eorum tenores præsentibus pro plene, & sufficienter expressis habentes, illis aliàs in suo robore permanentis, hac vice dumtaxat specialiter, & expresse derogamus, ceterisque contrariis quibuscumque.

D. P. An. 10. die 11. Dec.

Datum Romæ apud S. Petrum sub Annulo Piscatoris, die 11. Decembris 1632. Pontificatus nostri Anno decimo.

C DXIX.

Declaratio Privilegiorum Congregationis Clericorum Regularium Papiensium de Somasca, quoad Oratoria privata.

Clericorum Regularium de Somasca Congregationis erectio, & Privilegia habentur in Constit. CV. Pii V. Tom. IV. Par. III. Qui eos sic appellari jussit, ibid. §. 8. fol. 50.

URBANUS PAPA VIII.

Ad futuram rei memoriam.

ALIAS FEL. REC. Paulus Papa V. Prædecessor noster inter alia privilegia Congregationi Clericorum Regularium de Somasca aliàs S. Maioli nuncupatorum Papiensium concessit, ut singuli Presbyteri Professores dictæ Congregationis omnibus, & quibuscumque personis degentibus, & commorantibus in Orphanotrophiis, Seminariis, Academiis, & Convictoribus Collegiis, sub cura, regimine, & administratione dictæ Congregationis existentibus extremæ Undionis, necnon etiam tempore Pascha.

Tenore literarum Pauli V. refertur.

CDXX.

Causa hujus
Constitutio-
nis.

Paschatis, Resurrectionis Dominice festi-
vatis Sanctissime Eucharistie Sacramenta,
absque aliquo censurarum, & poenarum in-
cursu ministrare possent, prout in dicti
Pauli predecessoris literis desuper confe-
ctis, quarum tenores presentibus pro ex-
pressis haberi volumus, plenius continetur.
§.1. Cum autem, sicut dilectus filius
Franciscus Tontulus Procurator generalis
dictae Congregationis Nobis nuper exponi
fecit, a nonnullis locorum Ordinariis revo-
cetur in dubium, an per supradictam conce-
sionem Presbyteris predictis implicite etiam
concessa sit licentia, privata oratoria in Or-
phanotrophiis, Seminariis, Academiis, &
Convictorum Collegiis hujusmodi, praesertim
dictae Congregationis non propriis habendi,
in eisque Sacrosanctum Missae Sacri-
ficium etiam extra tempus Paschatis cele-
brandi: Nobis propterea dictus Procura-
tor generalis humiliter supplicari fecit, ut
dubium hujusmodi opportuna nostra decla-
rationis ministerio e medio tollere de be-
nignitate apostolica dignaremur.

Declarat pos-
se habere ora-
toria, & in
eis celebrare.

§.2. Hinc est, quod nos dictum Pro-
curatorem generalem, totamque ipsam
Congregationem specialibus favoribus, &
gratis profectui volentes, & ejus singula-
res personas a quibusvis excommunicatio-
nis, suspensionis, & interdicti, aliisque ec-
clesiasticis sententiis, censuris, & poenis a
jure, vel ab homine quavis occasione, vel
causa latis, si quibus quomodolibet inno-
datae existunt, ad effectum presentium dum-
taxat consequendum harum serie absolven-
tes, & absolutas fore censentes, hujusmo-
di supplicationibus inclinati, eidem Con-
gregationi, quod ipsa in Orphanotrophiis,
Seminariis, Academiis, & Convictorum
Collegiis hujusmodi, etiam non propriis
dictae Congregationis, sub ejus tamen cura,
regimine, & administratione existentibus
Oratoria privata habere, ipsiusque Con-
gregationis Presbyteri professi in eis Sacro-
sanctum Missae Sacrificium in personarum in
dictis Orphanotrophiis, Seminariis, Aca-
demiis, & Convictorum Collegiis degentium,
& commorantium praesentia, tam
intra, quam extra tempus Paschatis, Resur-
rectionis Dominicae festivitatis hujusmo-
di celebrare libere, & licite possint, & va-
leant, apostolica auctoritate tenore praesentium
declaramus, ac quatenus opus sit,
eis de novo concedimus, & indulgemus.
Non obstantibus praemissis, ac Constitutioni-
bus, & Ordinationibus Apostolicis, caeterisque
contrariis quibuscumque.

Contrariis
derogat.

Dat. P. A. 10.
die 22. Dec.

Datum Romae apud S. Petrum, sub
Annulo Piscatoris, die 22. Decembris 1632.
Pontificatus nostri Anno decimo.

Facultas Cardinali Francisco Barberino,
modum, & statum officiorum, magi-
stratum, tam Optimatum, quam Populi,
& gubernii temporalis in Civitatibus, &
Locis Status Urbini ad Sedem Apostoli-
cam devolutis, ac etiam custodiae, mili-
tariarumque, ad formam & methodum
regiminis, & gubernii aliorum locorum
Status Ecclesiastici redigendis, & Comitibus
Palatinos, atque auratae militiae Equites,
usque ad quemcumque numerum cre-
andi.

Dilecto filio nostro Sancti Laurentii in Da-
maso Diacono Cardinali Barberino nuncu-
pato S. R. E. Vicecancellario nostro secun-
dum carnem ex fratre germano nepoti in
Urbinate. Eugubini. Pisaurini. ac reli-
quis Civitatibus. & oppidis nostro incor-
porationis decreto comprehensis, & ad di-
ctam Sedem devolutis nostro, & Sedis
Apostolicae de latere legato.

Et regest. in
Secret. Brev.

URBANUS PAPA VIII.

Dilecte fili noster salutem, & apostolicam
benedictionem.

§.1. Quoniam in regimine Urbinaten-
Eugubini. Pisaurini. & reliqua-
rum Civitatum, & Oppidorum aliorumque
locorum quorumcumque per obitum b. me.
Francisci Mariae Urbini Ducis ad Sedem
apostolicam devolutorum, & universae
ditioni temporali Sedis praedictae nostro de-
creto incorporatorum per non singularem
fidei, atque prudentiae hodie commissi
propter diversitatem gubernii Ducalis, sub
quo Civitates, oppida, & loca hujusmodi
hactenus recta fuerunt, & Ecclesiastici sub
qua deinceps erit, multa contingere pos-
sunt, quae in facultatibus legationis Civi-
tatum, oppidorum, & locorum eorundem
non sunt expressa, ac speciali nota digna
essent.

Causa con-
cedendae fa-
cultatis.

§.2. Nos ne propterea Civitates, Oppi-
da, & loca hujusmodi aliquod patiantur
detrimentum, sed ut tu omnia, quae ad pro-
sperum, ac felix regimen illorum pertinent
dirigere, statuere, & de novo, etiam in cas-
ibus, in quibus oportebit, & tu expedire ju-
dicaveris, ordinare possis, opportune provi-
dere volentes ultra quascumque alias facul-
tates supradictas, quarum tenorem praesentibus
pro expressis haberi, & quas semper
salvas, & illaesas esse volumus, cir-
cumspeditioni tuae, cujus singulari prudentia,
fidei, & diligentiae gravissimis in negotiis
tenes probatae plane confidere, ac omnia
tuto committere, & credere possumus mo-
dum, & statum Officiorum, Magistratum
tam Optimatum, quam Populi, & gubernii
temporalis, ac etiam custodiae, militariarum-
que, & praesidiarum Civitatum, Oppido-
rum, & Locorum praedictorum, prout tibi
videbitur immutare, & renovare, & ad for-

Facultas, de
qua in Rubri-
ca.

CDXXI.

formam, & methodum regiminis, & gu-
bernii, aliorumque Provinciarum, Terra-
rum, & Locorum Status nostri Ecclesiasti-
ci redigere, seu alias juxta tuam prudentiam,
& arbitrii tui voluntatem tam praemi-
ssa, quam etiam redditus, & proventus
Camerae nostrae Apostolicae, eorumque exa-
ctiones disponere, & ordinare, ac qua-
cumque statuta, ordinationes, & constitu-
tiones circa praemissa, & alia quaecumque,
prout tu magis expedire judicaveris, conde-
re, publicare, & observare facere, nec non
omnia, & singula, ad statum, gubernium,
regimen, & administrationem Civitatum,
Oppidorum, & Locorum praedictorum,
atque custodiae arcium, & fortalitorum
nec non populorum pacem, & quietem, &
annonae abundantiam spectant, ac tam gra-
tiam, quam justitiam concernentia, etiam si
talia forent, quae sub generali verborum si-
gnificatione non venirent, sed specialibus
indigent vocabulis, ac speciali nota digna
essent facere, gerere, ordinare, statuere,
mandare, exequi, & facere perinde in
omnibus, & per omnia possis, valeas, & de-
beas, ac nos ipsi facere, gerere, ordinare,
statuere, mandare, exequi, & facere pos-
semus plenissimam, amplissimam, & ab-
solutam facultatem, potestatem, & aucto-
ritatem, apostolica auctoritate tenore praesentium
concedimus, & impartimur.

Quidquid
Card. Barbe-
rino statu-
erit, se confir-
maturus Pon-
tificis promit-
tit.

Indultum
creandi Co-
mitibus Pala-
tinis, & Equi-
tes auratae Mi-
liti.

Dat. 21. Ja-
nuarii 1633.
An.X.

§.3. Et nihilominus si aliqua per te fieri
statui, & ordinari contigerit, quae tibi
sub generali hujusmodi facultate minime
comprehendi judicabuntur, ea nos prout
tu ad nos retuleris nominatim omnia con-
firmabimus, & approbavimus.

§.4. Praeterea ut in hujus tui regiminis
initio erga illos, qui se in Nos, & Aposto-
licam Sedem devotos, & fideles exhibue-
runt nostram, & ejusdem Sedis munificen-
tiam magis ostendere, teque gratum, & be-
nevolunt, ut decet, reddere possis facul-
tatem creandi aliquos laicos nobiles usque
ad numerum quindecim in Palatii, & Au-
lae Lateranenae Comitibus, & Auratae Militiae
equites per alias nostras literas tibi concessa-
m, usque ad quemcumque numerum tibi
beneficium auctoritate, & tenore praesentium
concedimus, & ampliamus. Non
obstantibus quibuscumque constitutionibus,
& ordinationibus apostolicis, caeterisque
contrariis quibuscumque.

Datum Romae apud Sanctum Petrum
sub Annulo Piscatoris die 21. Januarii
1633. Pontif. Nostri Anno X.

Fratres Minores Strictioris Observantiae
Sancti Francisci introducuntur in Mona-
steriis S. Clarae, & S. Mariae Magdalene
Neapolis.

Istorum Fratrum materiam habes signatam
ad hujus Pontificis Constit. XL. Romanus
Pontifex Tom.V. Par.V. fol.196.

Dilecto filio nostro Francisco S. Laurentii in
Damaso Diacono Cardinali Barberino nuncu-
pato S. R. E. Vicecancellario, nostro
secundum carnem ex fratre germano Ne-
poti, Fratrum Ordinis Minorum S. Fran-
cisci de Observantia apud Nos, & Apo-
stolicam Sedem Protectori.

URBANUS PAPA VIII.

Dilecte filii noster salutem, & Apostolicam
Benedictionem.

§.1. EX dignis, & rationalibus causis a-
nimorum nostrorum moventibus cir-
cumspeditioni tuae totius Ordinis Minorum
S. Francisci de Observantia Protectori per
praesentes injungimus, ut femotis a Mona-
sterio, & Ecclesia Monasteriorum Monia-
lium S. Clarae, & S. Mariae Magdalene Ci-
vitatibus Neapolitanarum Fratrum Ordinis Mi-
norum de Observantia S. Francisci, si qui
nunc sunt, eorum loco, & vice pro hujus-
modi Ecclesiarum servitio, ac Monialium
cura speciali nonnullos Religiosos Profes-
sores dicti Ordinis ex reformatis nuncupa-
tis Provinciarum Romanarum, Siciliae, ultra-
Pharum, & Mediolanensis, provectae aetatis,
exemplaris vitae, bonae famae, atque do-
ctrinae, quotquot necessarii erunt, Neapo-
lim profecti, & ibi permanere jubens, cis-
que, seu aliquibus ex ipsis singulo saltem
triennio mutandis, postquam ab Ordinario
pro tempore examinati, & approbati fue-
rint, & non aliter, auctoritate nostra man-
des, ut regimen spirituale, & curam ani-
marum earundem monialium S. Clarae, &
S. Mariae Magdalene suscipiant, & deinceps,
sicuti speramus, laudabiliter exercent,
eisdemque Monialibus, ut ipsis Fratribus
pareant, & obediant, districte praecipias
sub censuris, & poenis arbitrio tuo infligen-
dis, quod a te diligenter fieri cupimus,
ita ut diligentiam, & pietatem tuam in hoc
merito collaudare possimus.

Motiva hujus
Constit.

Deputat Fra-
tres Refor-
mat. pro ser-
vitio Monia-
lium.

§.2. Volumus tamen, ut Venerabili Fra-
tri Archiepiscopo Neapolitano nunc, & pro
tempore existenti saluum, & reservatum sit
omne jus, tam ex juris communis disposi-
tione, quam ex Sacri Concilii Tridentini
Decretis super hujusmodi Monialium Mo-
nasteriis Regularium cura commissis, praesertim
in his, quae ad clausurae custodiam
pertinent, competens, ita ut facultas con-
cedendi licentias quibuscumque personis
cujusvis status, conditionis, & Ordinis etiam
Regularibus, praeterquam supradictis
Religiosis praedictarum Monialium speciali
cura

Archiep. ha-
bet iustitia
ordinariam.

cura, ut supra, deputatis, tam ingrediendi Monasterii clausuram, etiam ex causa urgenti, & necessaria, quam accedendi ad loca colloquutionum, ad eundem Ordinarium spectet, quibus sane licentiis antequam executioni demandentur, Superioris Regularis praeceptorum fratrum Reformatorem ejusdem Monasterii consensus accedat, contrariis non obstantibus quibuscumque. Datum Romae apud Sanctum Petrum, sub Annulo Piscatoris, die 13. Februarii 1633. Pontificatus nostri anno decimo.

Dat. die 13. Febr. 1633. An.X.

CDXXII.

Ex Regest. in Secret. Brev.

Confirmatio Literarum Clementis Octavi super spoliis Cleri Civitatis Avenionen. & Comitatus Venayssini.

URBANUS PAPA OCTAVUS

Ad perpetuam rei memoriam.

Proemium.

Speculatores Domus Israel, quae est Ecclesia Dei viventis in persecrabilis eius providentiae consilio constituti inter ceteras apostolicae servitutis curas, in eam peculiari studio incumbimus, ut quae in personarum ecclesiasticarum favorem ab hac Sancta Sede concessa sunt, sublatis quibuslibet obstaculis, suum debitum, ut par est, sortiantur effectum.

Resert literas emanant a Clem.VIII.

§.1. Alias siquidem a felicis recordationis Clemente Papa Octavo Praedecessore nostro emanarunt literae tenoris subsequenti videlicet. Clementis Papa VIII. Ad perpetuam rei memoriam. Regimini universalis Ecclesiae, meritis licet imparibus disponente Domino praesidentes inter fideles quoslibet, praesertim Ecclesiarum Dei ministros, aliasque personas ecclesiasticas ad invicem pro tempore dissidentes pacem, conciliare, concordiamque vigere, & augeri sinceris desiderant affectibus, illa, quae propterea processisse dicuntur, ne in recidiva contentione scrupulum elabatur, sed firma perpetuo, & illibata consistant, libenter cum a Nobis petitur apostolico munimine roboramus, ipsosque Dei ministros ab indebitis molestiis, dum id aequitas suadere videtur sublevamus. Sane Nobis nuper dilectorum filiorum Cleri, singulariumque personarum ecclesiasticarum in nostris Civitate Avenionen., & Comitatu Venayssino degentium expositum fuit, quod alias cum his, & causa, & controversia primo inter bon. mem. Franciscum de Clarmonte Sanctae Romanae Ecclesiae Cardinalem tunc in Civitate, & Comitatu praedictis, Apostolicae Sedis Legatum de latere, & deinde eo vita functo, inter similes mem. Alexandrum Cardinalem de Farnesio nuncupatum praedicti Cardinalis Francisci in eadem Legatione successorem ex una, & praedictos Clerum, & personas ecclesiasticas partibus ex altera super exactione spoliarum personarum ecclesiasticarum secularium, & regularium hujusmodi tempore illarum obi-

tus remanentium. Quae Legati ad se ratione Legationis tuae pertinere, & spectare, Clerus vero, & personae ecclesiasticae praedicti se de illis tam inter vivos, quam ultima voluntate libere disponere, neque ipsum pro tempore existentem Legatum in illis se quomodolibet introumittere posse, vel debere, seque in hujusmodi practica, & longissime continuata possessione, seu quasi, esse afferebant, rebusque aliis in actis causae, & causarum hujusmodi latus deductis, & illarum occasione in Romana Curia coram certo Causarum Palatii Apostolici Auditore, seu Locumtenente orta fuisset, ac diversi processus super his pro ipsius negotii, & causa instructione per certos Commissarios ad id specialiter per Sedem Apostolicam deputatos, in eisdem partibus facti, & ad eandem Curiam transmissi, & in ejusmodi causa ad nonnullos actus, citra tamen illius conclusionem deventum fuisset. Tandem Alexander Cardinalis Legatus, ac Clerus praedicti ultteriores litium anfractus, labores, & dispendia vitare volentes, ad certam concordiam, & transactionem sub tamen ejusdem Sedis beneplacito devenerunt, per quam inter alia dictus Alexander Cardinalis, liti, & causa praedictae tam in dicta Curia, quam forsan extra eam, & aliis quomodolibet pendentibus, in quocumque statu instantiae reperirentur; necnon juri, & facultati exigendi dicta spolia, tam vigore privilegiorum sibi in vim suae Legationis concessorum, quam asserta, ac diuturnae possessionis, seu quasi, necnon quarumcumque literarum apostolicarum, a quibuscumque Romanis Pontificibus, & a fel. record. Paulo Papa Tertio, & Julio etiam III. Praedecessoribus nostris in ejusdem Alexandri Cardinalis, & Legati favorem, & adversus ipsos Clerum, & personas ecclesiasticas spolia praedicta non solventes, seu occultantes emanatarum, & aliis quomodocumque competens, & in futurum competituris, ita quod nullo unquam tempore, sibi, aut suis in dicta Legatione successoribus jus in hujusmodi spoliis, ac earum collectione, ac recuperatione competere, nec Clerus, & personae praedictae, seu eorum haeredes, & successores, ulla ratione, ad illorum exhibitionem, & praestationem cogi, & compelli possent in favorem eorundem Cleri, & personarum ecclesiasticarum cessit, Clerus vero, & ecclesiasticae personae praedictae summam mille scutorum eidem Alexandro Cardinali, solve, & dare promiserunt, & aliis prout in praemissis transegerunt, convenerunt, & concordaverunt. Ac demum dictus Julius Praedecessor, ad ipsum Alexandri Cardinalis, & Cleri preces, concordiam, transactionem, seu conventionem praedictas, necnon prout illas concernebant, omnia, & singula alia in instrumentis, seu aliis scripturis desuper confectis, contenta, & alia inde sequuta quaecumque licita, & honesta, ac sacris Canonibus minime contraria, auctoritate apostolica ex certa scientia sua confirmavit, & appro-

approbavit, ac illis perpetuae firmitatis robur adiecit, omnesque, & singulos juris, & facti defectus, si qui forsan intervenissent in eisdem, supplevit, necnon partes praedictas ab eis quovis praetextu, seu quacumque occasione, vel causa resillire non posse, sed ad illorum totalem observationem teneri, & ad id sententis, censuris, & poenis ecclesiasticis, & aliis pecuniariis, invocato etiam ad hoc, si opus fuerit, auxilio brachii secularis, cogi, & compelli; nec de cetero Clerum, & personas hujusmodi ulatenus per ipsum Alexandrum Cardinalem, & Legatum, suove in dicta Legatione successores, aut eundem Julium Praedecessorem, vel quoscumque alios Romanos Pontifices Successores suos pro tempore existentes, vel ad dictam Sedem ullo unquam tempore super exactione dictorum spoliarum, quovis quavis colore molestari, aut perturbari posse; Sicque per quoscumque Judices Commissarios, Sanctae Romanae Ecclesiae Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiiri debere; quidquid secus super his a quoquam quavis auctoritate scienter, vel ignoranter contigerit attentari, irritum, & inane decrevit, prout in instrumento, seu instrumentis, & quibusdam ipsius Julii Praedecessoris Literis. Postmodum vero bonae memoriae Pius Papa Quintus pariter Praedecessor noster sibi exposito, quod bonae etiam memoriae Carolo tituli Sancti Chrysogoni Praebitero Cardinali a Borbonio nuncupato in locum Alexandri Cardinalis quoad Legationem hujusmodi successore, illius Procurator Fiscalis simul, atque quilibet ex dicto Clero ab humanis decesserat, defuncto spolia statim apprehendere, fiscoque Legati vindicare, & appropriare, ac aliis Clerum super libera facultate de bonis suis in ultima voluntate disponen. perturbare conabatur, in magnum Cleri praedicti, & Populi Avenionen. scandalum: Eidemque Pio Praedecessori pro parte Cleri, & personarum praedictarum supplicato, ut in praemissis providere dignaretur, dictus Pius Praedecessor concordiam, instrumentum, & decretum dicti Julii III. quoad spolia non exigenda, literasque, & inde sequuta hujusmodi quaecumque, apostolica auctoritate confirmavit, & approbavit, ac ipsos Clerum, & personas ecclesiasticas, & Carolum Cardinalem, & pro tempore existentes Legatos super spoliis hujusmodi de cetero molestari non debere decrevit, aliaque in illis necessaria fecit, & ordinavit, prout in suis desuper confectis Literis respective plenius continetur. Cum autem exhibita Nobis nuper pro parte eorundem Cleri, & personarum ecclesiasticarum petitio continebat, ipsi cupiant concordiam, Literas, & alia praemissa per Sedem Apostolicam confirmari, & approbari, Nobisque in praemissis supplicari fecerant, quatenus pro firmiori illorum substantia robur nostrae confirmatio-

nis similiter adicere, aliasque in praemissis opportune providere de benigntate apostolica dignemur. Nos igitur Clerum, & singulares ejus, aliasque personas praedictas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant ad effectum praesentium dumtaxat consequendum, harum serie absolventes, & absolutos fore censentes, ac instrumentorum, literarum, & aliorum praedictorum, & inde sequutorum quorumcumque tenores, necnon lites, seu litium, & causarum quarumcumque super praemissis, aut eorum occasione ubilibet pendentium statum, & merita, aliorumque hic etiam de necessitate exprimendorum tenores praesentibus pro sufficienter expressis habentes, hujusmodi supplicationibus inclinati, concordiam, instrumentum, decretumque Julii Praedecessoris, quoad spolia Cleri non exigenda in Civitate Avenionen., & Comitatu Venayssino nomine dumtaxat consentientia, ac in aliis locis Legationi praedictae subiectis tantum, ac singulas literas praedictas, necnon omnia, & singula in illis contenta, & inde sequuta quaecumque apostolica auctoritate, tenore praesentium perpetuo confirmamus, & approbamus, ac illis perpetuae, ac inviolabilis apostolicae firmitatis robur adicimus, omnesque, & singulos juris, & facti, & solemnitate, etiam substantialium defectus, si qui forsan intervenerint in eisdem supplemus, ac confirmationem, approbationem, adjectionem, suppletionem, aliaque praemissa, ac praesentes Literas nullo unquam tempore, & ad quoscumque Legati instantiam, ex quacumque causa revocari, alterari, limitari, aut derogari, seu de subreptionis, vel obreptionis, aut nullitatis vitio, seu intentionis nostrae, aut alio quopiam defectu notari posse, sed illa valida, & efficacia fore, suosque plenarios effectus sortiri, & inviolabiliter observari; Sicque per quoscumque Judices, & Commissarios quavis auctoritate fungentes Sanctae Romanae Ecclesiae Cardinales sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiiri debere, & quidquid secus super his a quoquam quavis auctoritate scienter, vel ignoranter contigerit attentari, irritum, & inane decernimus. Quocirca dilectis filii Curiae causarum Camerae Apostolicae Generali Auditori, Abbati Sancti Andreae secus Avenionen., & Officiali Auraceni, per praesentes committimus, & mandamus, quatenus ipsi, vel duo, aut unus eorum perse, vel alium, seu alios praesentes Literas, & in eis contenta quaecumque, ubi, & quando opus fuerit, ac quoties pro parte Cleri, ac personarum, suorumve haeredum, & successorum, aut ab eis habentium praedictorum causam, vel alicujus eorum fuerint requisiti solemniter publicantes, ac illis in praemissis efficaciae defensionis praesi-